

## Universitätsbibliothek Paderborn

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

3. Vbi periculum est castitatis, nec ætati, nec consuetudini fidendum.

**urn:nbn:de:hbz:466:1-45686**

ris indoles & diversitas, & boni mariti, bonaque ac fida coniuges tanto sint chariores. Omnibus enim rebus & pretium adit raritas, & estimationem. Tales autem viros, talesque feminas reperiri, litterae sacrae profanaeque restantur. Quid prius chrius esse potest exemplo Iosephi? Quid turpius vxore Putipharis? Latuisset Iosephi virtus, si moechae illius impuritas latuisset intra pectus. Erat Ioseph pulchra facie & decorus aspectus. Post multos itaque dies iniecit domina sua oculos suos in Ioseph, & ait: Dormi mecum. Qui nequaquam acquiescens operi nefario, dixit ad eam: Ecc dominus meus, omnibus mihi traditis, ignorat quid habeat in domo sua: nec quidquam est, quod non in mea sit potest, vel non tradiderit mihi, prater te, qua uxor eius es: quomodo ergo possum hoc malum facere, & peccare in Deum meum. Huiuscemodi verbis, per singulos dies, & mulier molesta erat adolescenti, & illa recusabat stuprum. Accidit autem, quadam die, ut intraret Ioseph domum, & operis quipiam, absque arbitris, faceret: & illa apprehensa lacinia vestimenti eius, diceret: Dormi mecum: Qui, relata manu eius pallio, fugit & egressus est foras. Duo hic sunt, fidei Ioseph, perfidia in femina, simul exempla. In Ioseph tantum commendabilior erat casta fidelitas, quia erat pulchra facie, & decorus aspectus; nec tantum commendabilior, quia Gratior est pulchro veniens in corpore virtus, sed etiam, quia venustas & allicit facilius, & citius allici solet.

## III.

Contigit autem hoc, post multos dies, anno circiter vndecimo servitutis illius, in Aegypto, cum jam esset 27. annorum, ut nemo fidat tempori, aut de consuetudine sua securus sit. Quercus, quae centum annis stetit, cadere potest. Potest & homo tentari, post multos annos, qui nullam antea sensit tentacionem. Observarunt quidam, multos viros pietati assuetos, post quinquagesimum etatis suae annum, adhuc, nimia sui fiducia, in libidinem prolapsos. Quam diu homo in via est, potest errare: quam diu militat, oppugnari, immorari & vinciri. Et si ipse occasionem non det, dare tamen eam illi alij solent. quemadmodum Ioseph, non aspexit ipse Putipharis vxorem, non contemplatus est eius formam curiosus; nihilominus domina illius iniecit oculos suos in Ioseph. Itaque viri non debent tantum custo-

dire suos, sed etiam seminarum oculos cauere. Neque enim videre duntaxat, sed etiam videri, est periculorum; & illi quoque, qui nolunt amari adamantur.

IV.

Et vide mihi mulieris impudentiam: *Dormi mecum*, ait. Alijs satis est nutus, satis comior aspectus, haec catapulta fuit, & aperta ad stuprum inuitatio. Neque tamen fortissimam hanc columnam deiecit. Nulla igitur excusatio est, dicere, se fuisse ultro compellatum, negare non potuisse, sicut quidam belli dux Martis æquè in lustris, ac in campis imitator respondit. Quidquid inhonestè petitur, honestè negatur. Obiecit hoc illi exemplum alius. Dixit, se Josephum non esse. Apparebat sanè, nam & de adulterijs gloriabatur. Erat tamen Christianus, erat, cui suus Princeps multos, Deus multa subiecerat, potuit ergo dicere: *Ecce dominus meus, omnibus miki traditus, tam mihi propensus est, ut etiam liberalissimo hospitio, lautissimo conuiuio exceperit, claves ipsas domus obtulerit, nec quidquam est quod non in mea sit potestate, vel non tradiderit mibi, prater te, que vxoris eius es: quomodo ergo possum hoc malum facere, & peccare in Deum meum?* Seruus tunc erat Joseph, nec tamen Dominam veritus est; & Dux talis, Achilles talis, immò tale libidinis mancipium adulteram rogantē non audeat repadiare? Iuuenis erat Joseph, & decorus aspectu, & tamen potuit voluptatem contemnere; tu jam canescens senecio, tu Thersites, tu omnibus morbis obnoxie, fidem vxori tuæ daram non potes seruare; immò ut & adultera fidem irritam reddat, juvas? Non metuis illius maritum, non times deprehendi? immò quid hominem timeres, qui Deum non times? Disce, miser, orare: *Confige timore tuo carnos meas: à judicis enim tuis timui: tunc enim etiam timebis peccare in Deum tuum;* neque annues primis, neque continua-  
tis illecebribus, vt de te etiam dici possit: *Huiuscmodi verbis, per singulos dies, & mulier molesta erat adolescenti, & ille recusabat stuprum.*

Adeò invicta erat Josephi constantia. Siquidem, vt illa pertinax erat petendo, ita ille fortis fuit repellendo. Haec virtus ad omnem necessaria est virtutem. Quid enim cœpisse iugat? Gutta una non ludit, multis ipsa faxa cauantur. Nec

Psal. 118.

V.

CCC 2 fortis